

Informazio eskubidea «babeatu eta lehenetsi» behar dela dio Jaurlaritzak

BBCko kazetariak inputatuko ote dituzten galdetu du Imazek

Edurne Begiristain | GASTEIZ

Eusko Jaurlaritzak *Egunkaria*-ko eta *Gara*-ko zuzendariak inputatu izanaren inguruko balorazioa egin zuen atzo, Josu Jon Imaz gobernuko bozeramailearen bitartez. Imazek azaldu zuen gobernuak «gertutik» jarraituko duela auzi hau eta gogoratu zuen ez dela lehenengo aldia «informazio eskubidea epai mahaletan mugatu nahi dela», baina orain arte beti gertatu dela informazio eskubideak lehenetsia izan duela. «Informazio eskubidea babestu egin behar da eta gizarte demokratiko batean eskubide horrek lehenetsia izan behar du», adierazi zuen gobernuko bozeramaileak.

Baltasar Garzon epaileari bi galdera ere luzatu zizkion Imazek: «Logika bera aplikatuz, prest al dago ETari elkarriketa egin zioten BBCko kazetariak inputatzeko? Eta hurrengo egunean elkarriketa horren zatiak argitaratu zituzten beste komunikabideak inputazio prozesu batean sartzeko?».

Azkarraga: «Esperpentikoa da»

Joseba Azkarraga Eusko Jaurlaritzako Justizia sailburuaren



DAVID AGUILAR / EFE
Josu Jon Imaz, atzo.

iritziz «esperpentikoa» da Otamendiaren eta Aizpuruaren inputazioa. «Nora eraman nahi gaituzte demokraziaren eta adierazpen askatasunaren murrizte honekin, ideen kriminalizazioarekin?», galdetu zuen sailburuak.

Azkarragak argudiatu zuen galdetzen duenak ez duela delitua egiten, «are gutxiago komunikabide batean egiten badu». Justizia sailburuak gogoratu zuenez, «mundu demokratiko-ko egunkari, aldizkari, irrati eta

telebistetan sarritan egiten dituzte erreportaiak eta elkarriketak gobernu totalitarioetako eta armada iraultzaileetako ki-deekin, terroristekin, elementu parapolizialekin edo aktualitatean dauden beste protagonista batzuekin». Azkarragaren iritziz, ETA ez dago prentsan argitaratzen denaren zain «bere ekintza kriminalak» erabakitze-ko.

Atutxa: «Ez dauka nondik nora oratzeko buztanik»

Juan Maria Atutxa Eusko Legebiltzarreko lehendakariaren iritziz ere zentzurik ez du EGUNKARIA-ko eta *Gara*-ko zuzendarien inputazioak: «Epaileekin oso errespetutsu agertu izan naiz, baina kasu honek ez dauka nondik nora oratzeko buztanik».

«Beste komunikabideetako profesionalek Martxelo Otamendik eta Mertxe Aizpuruak egin zuten elkarriketa bera egiteko aukera izan bazuten, argi daukat % 95ek behintzat egin egingo zutela», adierazi zion Juan Mari Atutxak EGUNKARIA-ri. «Horregatik, banandu egin behar dira gogorkerian dabil-tzanak eta komunikabideetako zeregina aurrera eraman duten pertsonak».

gertatzen denez, beste bultzada politiko baten aurrean gaudela uste dugu. Bestela, ez diogu zentzurik aurkitzen».

MILAGROS RUBIO (Batzarre)

«Zuzenbide estatuaren eta informazio eskubidearen aurkako atentatua da»

«Intelligentziaren, eta, batez ere, Zuzenbide Estatuaren eta informazio askatasunaren aurkako atentatuak dira. Deitu beharko lituzkete inputatu gisa ere BBC te-



lebista kateko kazetariak edo elkarriketaren hurrengo egunean haren zatiren bat argitaratu zuten komunikabideetako zuzendariak. Zuzenbide Estatuaren aurka jotzen dutenengatik defendatzea Zuzenbide Estatuaren aurka ekinez, arbuigarria da eta gatazkak

bere horretan indartzeko balio du».

PATXI ZABALETA (Aralar)

«Antidemokratikoa eta giza eskubideen aurkakoa da»

«Arrazoi juridiko eta politikoengatik bidegabekia da. Informazio matzeagatik kolaborazio delitua leporatzea ez da zilegi eta ez du babesten inolako ordenamen-



du juridikok. Europa demokratikoan ezin da onartu, Europak jakin behar du Espainian Turkian bezala kazetariak zigortu egiten direla informatzeagatik. Halaber, antidemokratikoa eta giza eskubideen aurkakoa da mugak eta oztupoak jartzen zaizkiolako iritzi askatasunari. Onartezina da ere herri honen aurkako beste zapalketa bat delako».

GERMAN KORTABARRIA (ELAko Komunikazio arduraduna)

«Salbuespen egoera bati soilik legokiokkeen erabakia da»

«Guretzat Auzitegi Nazionalak hartutako erabakiak argi eta garbi erakusten du ez duela funts juridiko-rik; aitzitik, erabaki hori aurreiritzi politiko-koz osatuta



dago, erabat. Oro har, euskalgintza —EGUNKARIA— eta abertzaletasunaren —Gara— aurkako erabakia da». German Kortabarriaren arabera, «oso larria» eta «salbuespen egoera bati» soilik legokiokkeen da erabakia, «sentiberatasun apur bat duen edonork» ezin onetsi duena. «Iritzi publikoaren presio giroak» bultzatu du erabakia, haren irudiko, eta Espainiako Auzitegi Nazionala «ohore egiten» ari zaio hastapenetako Ordena Publikoko

Epaitegiari, «oinordekoa izaki». Prozedurak ez duela aurrera egingo uste du: «Erasoak ez du arrazoibiderik». Helburua «garrantzia handiko esparruetan ahal den kalte handiena» egitea da, ELAko komunikazio arduradunaren arabera, eta euskal kulturari egin diote eraso.

JESUS MARIA ARIZNABARRETA (LABeko Komunikazio idazkaria)

«Adierazpen askatasunaren eta euskal komunikabideen aurkako eraso da, eraso bikoitza»

«Otamendi eta Aizpuruak inputatu gisa deklaratzera deitzeak argi uzten du, berriro, botere judizialak egunetik egunera pauso berriak ematen dituela PPren estrategia politikoaren esanetara martxan jartzen dituen ekime-



netan. Guk eraso bikoitza ikusten dugu: alde batetik, adierazpen askatasun oinarritzakoaren aurkako eraso zuzena; horrez gain, euskal komunikabideen aurkako eraso ere ikusten dugu. Zentzu horretan, ikusten ari garena da PP garatzen ari dela estrategia oso gordina, Euskal Herriaren eraikuntza bidean funtsezkoak diren esparru guztietara zuzendua. Ezagunak ditugu, egunero bizi ditugulako, euskarak berak jasotzen dituen erasoak, euskal hezkuntzak, kulturgintzak, unibertsitateak... eta esparru sozioekonomikoek ere bai. Kasu honetan eraso bi komunikazio proiektu inportanteren kontrakoa da. Horrekin batera, Jon Abril Ttipi Ttapako kazetariari sei urteko kartzela zigorra eskatzea ere ildo beretik doala uste dugu. Horregatik, salatu nahi dugu botere judizialaren ekimena, eta, era berean, gure elkartasun osoa erakutsi kalte-tuei».